

## **Danmark-imi pineqaatissinneqarsimasunik peqqinnissaat pillugu passunneqartussanik nuussinissarneq pillugu nalunaarut.**

Inatsit naapertorlugu § 209, imm. 2, Kalaallit Nunaanni pinerluttulerinerimi inatsimmi, tak. inatsimik nalunaarut nr. 1045 7. september 2017-imeersoq, inatsimmi nr. 1718 27. december 2018-imi allangortinneqartoq, aalajangersarneqarpoq:

### Kapitali 1

#### *Aallarniutissatut aalajangersakkat*

§ 1. Pineqaatissinneqarsimasoq nakorsamit passunneqarnissaminik pisinnaatitaaffeqarpoq aamma peqqinnissaq pillugu allatigut, tak. pinerluttunerinerimik inatsit § 209, imm. 1.

### Kapitali 2

#### *Danmark-imi pinerluttunik isumaginnittut ataaniittumi atorfeqarfimmut nuussineq*

§ 2. Danmark-imi pinerluttunik isumaginnittut ataani pineqaatissinneqarsimasoq atorfeqarfimmut nuunneqarsinnaavoq, pineqaatissinneqarsimasoq kalaallit peqqinnissaqarfianiit nakorsamik passunneqarnissaa innersuunneqarsimappat imaluunniit Danmark-imi peqqinnissaq pillugu ikiugassasimappat.

§ 3. Kalaallit Nunaanni Pinerluttunik Isumaginnittut pisortaata kalaallit peqqinnissaqarfiata innersuussutaa malillugu § 2 malillugu nuunneqarnissaa aalajangissavaa.

*Imm. 2.* Pineqaatissinneqarsimasoq Danmark-imiinnermini Danmark-imi pinerluttunik isumaginnittut ataani atorfeqarfimmut sorlermut inissinneqassanersoq, Pinerluttunik Isumaginnittut Illoqarfiit pingaarnersaanni Kalaallit Nunaanni Pinerluttunik Isumaginnittut oqaaseqaataat tunngavigalugu aalajangerneqassaaq. Pillaatissinneqarnermi naammassinninnissamut inatsisip §§ 20-23 malillugit aamma taassumanga malittarisassat malillugit.

*Imm. 3.* Pineqaatissinneqarsimasoq tigummigallagassanngorlugu eqqartuunneqarsimappat, taava Rigsadvokat-i Danmark-imi pinerluttunik isumaginnittut ataani atorfeqarfimmut sorlermut pisinneqarnissaanut apeqqummut oqaaseqaateqartinneqassaaq.

§ 4. Kalaallit Nunaanni Pinerluttunik Isumaginnittut Kalaallit Nunaanni Politi-it § 2 malillugu aalajangiunneqartunik ilisimatissavaat.

### Kapitali 3

#### *Danmark-imi atorfeqarfimmiinnermi pisinnaatitaaffiit aamma pisussaaffiit*

§ 5. Pineqaatissinneqarsimasoq Danmark-imiinnermini pillaatissinneqarnermi naammassinninnissamut inatsimmi kapitalit 2-3, 7-13 aamma 20-22 atuutitinneqassapput aamma taakkunungalugu allaffisornikkut najoqqutassat ilaatinneqartut pineqaatissinneqarsimasumullu naleqqussarneqartut atorfeqassapput.

§ 6. Pillaatissinneqarnermi naammassinninnissamut inatsisip kapitalii 2-3, 7-13 aamma 20-22 aalajangernermut aamma Danmarkimiinnerani pinerluttunik isumaginnittoqarfiup isumagisas-saqarfiisa taakkununga allaffissornikkut najoqqutassa atorneqassapput, tassunga ilaalluni ator-feqarfik, pineqaatissinneqarsimasup inissinneqarfiani.

*Imm. 2.* Imm. 1-imi atorneqartussatut aalajangikkat atorfeqarfimmut aallamut anisinnaanissamut aamma nuunneqarnissamut tunngasut, aammalu naleqquttuusoq nalilerneqarpat, taava Kalaallit Nunaanni Pinerluttunik Isumaginnittut oqaaseqaataat piumasarineqassaaq.

*Imm. 3.* Kalaallit peqqinnissaqarfianiit imm. 1-imi aalajangikkanik atorneqartussanik oqaaseqaa-tinik piniartoqassaaq kalaallinut napparsimasunut neqeroorutinik aamma atugassarititaasunik, Danmarkimi katsorsanneqarnissamik innersuunneqarsimasunut.

#### Kapitali 4

##### *Nakorsamit katsorsartereernerup kingorna utertinneqarneq*

§ 7. Nakorsamit katsorneqareernerup kingorna imaluunniit allatut peqqinnissaq pillugu ikiorne-qareernikkut taava pineqaatissinneqarsimasoq patsiseqaanngitsumik uninngatinnagu Kalaallit Nunaanni Pinerluttunik Isumaginnittut ataani atorfeqarfimmut utertinneqassaaq.

§ 8. Kalaallit Nunaanni Pinerluttunik Isumaginnittut pisortaata § 7 malillugu utertitsinissamik aalajangerneq aalajangissavaa kalaallit napparsimaveqarfianiit oqaaseqaatigineqartoq tunngaviga-lugu, nakorsamit katsorsarneqarneq imaluunniit allatigut peqqinnissaq pillugu ikiorserneqarneq naamassisoq.

*Imm. 2.* Pineqaatissinneqarsimasup Kalaallit Nunaanni Pinerluttunik Isumaginnittut ataani sumut atorfeqarfimmut sorlermut utertinneqarnissaanik aalajangerneq pinerluttulerinermi inatsisip §§ 195-197 malillugit aalajangerneqassaaq aamma tassunga tunngatillugu malittarisassat aalajangersakkat, taamaattoq tak. imm. 3.

*Imm. 3.* Pineqaatissinneqarsimasoq tigummigallagassanngorlugu eqqartuunneqarsimappat, taava aalajangerneqassaaq, Kalaallit Nunaanni Pinerluttunik Isumaginnittut ataani pineqaatissinneqarsi-masoq pinerluttulerinermi inatsisip § 241-ua malillugu aamma tassunga tunngatillugu malittarisas-sat aalajangersakkat atorfeqarfimmut sorlermut utertinneqassanersoq.

*Imm. 4.* Imm. 1-imi aalajangikkani taanneqartut pillugit pinerluttunik isumaginnittuniit oqaase-qaatinik piumasartoqassaaq, atorfeqarfik pineqartoq ilanngullugu, pineqaatissinneqartup Danmar-kimi inissisimavianiit.

§ 9. Kalaallit Nunaanni Pinerluttunik Isumaginnittut § 7 malillugu aalajangikkanik Kalaallit Nunaanni Politi-it utertitsinermik nalunaarfigissavaat.

#### Kapitali 5

##### *Atuutsitsineq*

§ 10. Nalunaarut 1. august 2019 atuutilissaaq.

*Justitsministeria, ulloq 1. juli 2019*

NICK HÆKKERUP

/ Lennart Houmann